

Lenghe catalane

Il **catalan** (o **lenghe catalane**) e je une **lenghe romanze** fevelade di cirche nûf milions e mieç di personis soredut in Spagne tes regions de Catalugne, dai Païs Valenzians e tes isulis Baleârs. Le lenghe si cjacare ancje in altris bandis come te France dal sud o te citât di Alghero (*L'Alguer*) in Sardegne. Le minorance catalane in Italie e je ricognossude de leç 482/1999. Il catalan che si fevele tai Païs Valenzians si clame uficialmentri Valenzian.

Storie dal catalan


Le lenghe catalane e à une storie une vore antighe. E je nassude dal latin e si è formâde ator dal secul IX te region dai Pireneus par difondisi tai secui seguitîfs ancje par jessi stade le lenghe doprade dai reams Aragonês. Tal secul XVII e à vût un periodi di decjadince pe prevalence de lenghe castiliane. Tant che lis autoritâts spagnolis a rivavin a fâ passâ la idee che a fos dome un dialet dal castilian. Tal secul XIX e je scomençade la rinassite de lenghe e tai prins dal XX secul si è rivâts a adotâ une grafie normalizade e une lenghe standard. Chest al à puartât a un grant sburt te produzion di gjornâi, libris e oparis teatrâls. Le ditature di Franco e à cirût di fermâ dut chest improibint il dirit a doprâle. Cu la democrazia, dal 1979 incà, il Catalan al è diventât lenghe couficiâl, cuntun status diferent daûr de singule region, in Catalogne, tai païs Valenzians e te isulis Baleârs. Il catalan e je ancje le lenghe uficiâl dal principât di Andorra.

Viôt ancje

- Minorance catalane in Italie

Leams esternis

- Institut d'Estudis Catalans (<http://www.iec.es/>)
- Diccionari català-valencià-balear Alcover-Moll (Dizionario catalan-valenzian-balear) (<http://dcvb.iecat.net/>).
- Diccionari Invers de la Llengua Catalana (<http://www.dilc.org/>)
- Il Catalan su Ethnologue (http://www.ethnologue.com/show_language.asp?code=cat)

Catalan (<i>Català, Valencià</i>)	
Pronuncie native:	[kataˈlaː] (<i>ocidentâl</i>) [kətəˈlaː] (<i>orientâl</i>)
Altris denominazions:	<i>valenzian, mallorquí, menorquí, eivissenc</i>
Fevelât in:	<u>Andorra</u> , <u>Spagne</u> , <u>France</u> e <u>Italie</u>
Region:	<u>Catalugne</u> , <u>Païs valenzian</u> , <u>Baleârs</u> , <u>France occidentâl</u> , <u>Alghero</u>
Fevelants:	9,5 milions
Posizion:	
Classificazion gjenetice:	Lenghe indoeuropeane <p><u>Italiche</u></p> <p><u>Romaniche</u></p> <p>Italiche-ocidentâl</p> <p>Italiche-ocidentâl-ocidentâl</p> <p>Gallo-iberiche</p> <p>Occitan-Romanç</p> <p>Catalan</p>
Stât uficiâl	
Lenghe uficiâl di:	<u>Spagne</u> , <u>Andorra</u>
Regolât di:	<u>Institut d'Estudis Catalans</u> <u>Acadèmia Valenciana de la Llengua</u>
	

- **(talian)** Carta europea delle lingue regionali o minoritarie (<http://www.limbasarda.org/LIMBASA/RDA/DOCUMENTOS/CartaEUR.html>)

Codiçs de lenghe	
ISO 639-1	ca
ISO 639-2	cat
SIL	cat
cjale ancje: <u>Lenghe</u>	

Lis lenghis romanzis

Aragonês | Aranês | Arpitan | Arumen | Burgunt | Catalan | Champenois | Cors | Dalmat | Dgèrnésiais | Franc-Comtois | Francês | Furlan | Galizian | Gallo | Istriot | Istro-rumen | Jèrriais | Ladin | Ladino (Gjudeo-spagnûl) | Leonês | Ligur | Lombart | Lorrain | Megleno-romanian | Mirandês | Napoletan | Norman | Ocitan | Picard | Piemontês | Poitevin-Saintongeais | Portughês | Romanç | Rumen (o ben Moldâf) | Sardegnûl | Sicilian | Spagnûl | Talian | Vallon | Venit

Cjapât fûr di https://fur.wikipedia.org/w/index.php?title=Lenghe_catalane&oldid=166327

Cambiât par l'ultime volte ai 22:42, 2 di Mai 2019

Il test al è disponibil daûr la licence Creative Commons Atribuzion-Condîvî te stessee maniere; al è pussibil meti cundizions ulteriôrs. Cjale lis cundizions di ûs par i details.